

四庫全書

集部

欽定四庫全書

集部

皇清文頴卷五十八至

詳校官檢討_臣朱依昊

主事銜_臣徐以坤覆勘

覆校官中書_臣田尹衡

校對官中書_臣王彝憲

謄錄監生_臣戴祖尊

謄錄監生_臣張五誥

欽定四庫全書

皇清文頴卷五十六

詩

樂府

聖駕恭謁

祖陵大禮慶成敬賦樂府十章

有序

沈德潛

我

皇上臨御之八年懋建

皇極天人協應萬物由庾禮樂明備

念國家創業開基起於遼陽

祖宗功德艱難積累報本追遠敢忘昭事

園陵在盛京者禮應展謁爰召宗伯諏吉日奉

皇太后於孟秋初旬乃發

乘輿百靈呵護羣工景從道途所經萬方縱觀千里如

堵城邑連歡川岳生色既至

盛京祇祓齋宮潔清壇壝時維質明肅將祀事豆籩

鼎鼎牲牢壺濯莫不陳列五等六服羌戎蠻貊咸
來助祭

皇上愉愉勿勿洞洞屬屬俯興稽拜穆乎有容祝以孝
告嘏以慈告

列聖在天之神來饗禋祀儼若相接水源木本一氣感
通由

曾孫仁孝之心著存於秉圭執鬯間也

三陵既周燕喜受祉諸蕃來朝共球並集海隅日出順

首享王既已文治溥浹矣

皇上復振作武功宣威中外進退憑旂鼓變化備陣法
同岐陽之大蒐寓于教之講武而又推仁錫類覃
被遠邇大禮告成

六飛乃回以達孝暨天下以惠澤利萬人

祖考寵綏

天地明察祭則受福永膺純嘏聖人所謂通於神明光
於四海者乃於今日遇之也小臣備員史職弗獲

扈從

乘輿敬擬樂府十章以備瞽矇歌誦辭曰

聖人大孝繼繩

世德世德伊何發祥長白

天造鴻業乃眷與宅

列聖在天

園寢孔安橋山汾陰守以祠官地維輦厚

王氣鬱盤報本崇先溯源自古幽明可通孝思為主遙

遙審遼言

巡東土志繼乎

世宗事述乎

聖祖

右

聖大孝一章二十句

練時日吉且良奉

慈仁啓

天間發

鑾輅隨龍驤

帝問省侍

鳳輦心齋栗容愉婉馳蒼虬揚雲罕大丙衛勾陳肅岳
引旌川隨轂過都邑省風俗垂白老攜兒女歡雷動民
歌舞手加額親

堯禹

天顏喜

慈語溫出關隘回陽春望

園陵蒸祥雲

右發

鑾輅一章三十句

盛京樂民風厚畝盈黍稌穡積紅朽四民鱗集既蕃既
阜

盛京樂慣田獵從狼發縱弓彎馬捷割鮮烹肥家餽戶
饒

盛京樂樂雍熙衢尊春臺登之酌之昔聞

聖祖之報本今覲

聖孫之受釐吾民何幸得生

聖人之時

盛京樂樂不可支

右

盛京樂一章二十二句

朝鮮挾

陵之左山海控

陵之右龍鳳拱而盤翼精靈朝而趨走

孝孫秉禮告虔陳設豆登尊卣焚蕭管兮升香薦嘉德
兮珪璋

三后饗兮明堂垂邃延兮袞裳

神欣欣兮樂康優然愜然聞見儼恪不遺餘奠報

曾孫以百福昭式禮於孔熯監孝思之烝烝卜昊天

眷眷

右謁

三陵一章一十七句

敬瞻

永陵

始祖所式憑姜嫄履武后稷迺篤生

敬瞻

福陵

太祖此永寧太王居岐肇基迺勃興

敬瞻

昭陵

太宗之佳塋文王勤止養晦逾光明我

皇昭報對越以精誠躬膺圖錄翼翼而兢兢締造艱難
繼序在守成勤恤匪解

天命以永凝

右懷

祖烈一章二十句

醴假通

神明禮成萬舞備頒胙通寵錫肆筵設高會

天厨稠疊出大官牲牢既饗紛魚膾飽德醉酒聯華戎
六合一家無內外

皇澤浹羣臣拜盈廷歡娛萬方寧泰高臺置酒歌大風
漢高區區樂豐沛

右禮成宴一章一十四句

建中朝堂我

皇當陽撫臨下方樂浪東陬推髻羶裘咸和咸柔雲合
龍趨水航陸駟競來

陪都貢賁獻琛兜離休任鵠鴉好音追隨鵠鸞拜舞稱
藩同漢呼韓助祭辟公來朝輸忠肅肅躬躬誓義服神
蹈德詠仁萬年

主臣

右羣蕃朝一章二十一句

文德貴綏懷武備戒休燕

一人韎韐作六師獮狩合圍還教戰鳥蛇翔赴箕翼舒
張霧連雲散陣分圓方止齊兮堵牆跳盪兮飛揚弓滿
月兮戈雪霜剽禽狡獸難遁藏荼火日月威疆場下大
綏收壁壘四校呼七萃喜悉率左右燕

天子海隅清晏纘武功

祖宗王業由此起

右大狩閱一章一十九句

錫類者必廣乎仁孝推恩者不遺乎民人頒賚賞而沛

乎德惠速置郵而布乎

絲綸滋液滲灑潤物者雨漸摩噢咻育物者

君居

聖人之大寶曰位普天心之愛物曰仁觀百族之沐膏

浴澤由

天子之尊

祖敬

親

右永錫類一章一十二句

六龍發兮涼露金風之蕭爽

六龍迴兮清霜玉雪之飄零
歷唐山過灤河抵神京臣
民頽首顙顙拜迎乃奉

聖母歸

慈寧

御太和殿千官朝賀

彤廷謂

聖皇孝治天下凡有血氣修孝德於環瀛東鵜西鰈不足貴紫芝銀甕何足稱雨暘時若家給人足奏上治於隆平

右

六龍迴一章二十一句

聖駕東巡

盛京恭謁

祖陵大禮慶成詩

有序

萬承蒼

臣聞聖人之德無以加於孝宗廟之禮所以祀其先夫孝置之而塞乎天地薄之而橫乎四海惟聖人而在天子之位者氣盛而化神情深而文明為能極其量焉因心致愛由近達遠中庸不曰祀其祖而曰祀其先明不可以世數限也漢儒議祀禮者皆謂藏魄于墓迎精於廟故宗祧之制特詳而陵寢之儀不著臣竊疑之夫聖王之于其先也無所不用其敬雖一裳衣一器皿猶必世世奉之況

形體之所在乎史記稱武王九年上祭於畢斯即
謁陵之明證楚茨諸詩言成王之能奉祭也有曰
絜爾牛羊以往烝嘗古者廟在王宮之左不當言
往意即祀文武於杜中而經傳未明言之耳漢高
帝有天下于先世所居之國若秦晉梁荆皆設祠
祀官長陵特建原廟至明帝永平二年幸長安祠
高廟遂有事于十一陵三年奉光烈太后祠章陵
自時厥後茲禮遂顯蔡邕以為天子事亡如存用

心周密其禮雖煩而不可省者是也我

朝肇基東極奄有萬邦

聖德神功彪炳宇宙邠岐之境

三陵在焉

世祖章皇帝定鼎燕都

駕發盛京恭申祭告

聖祖仁皇帝在位六十餘年三謁

祖陵禮儀大備

親製碑頌光勒貞珉

世宗憲皇帝昔在藩邸奉

命代祀

列祖來假報本追遠奕世孔虔我

皇上繼承洪緒祇肅明禋禮樂蔚興治化翔洽緬思

先烈夙夜無忘爰以八年之秋戒百官具

鸞輅恭奉

皇太后而往謁焉於時兆庶懽騰神靈悅豫微雲歛翳

天高日晶從者溢塗瞻者夾路以

興京開運山直

盛京東北水源本先後有倫迺由熱河取道邊塞
覽其風土耀我聲靈蒙古諸藩趨迎列侍昔也用
武之地今則豫遊之郊所過山川如在戶牖九月
乙未至于

永陵升自東階九擗三奠王公陪位百爾駿奔翼日丙
申大祀志潔儀豐苾苾芬芬

神保是格工祝致告福祿來崇壬寅恭祀

福陵癸卯恭祀

昭陵行禮如初致慤彌著優乎愾然若有見聞迺蒞

盛京啓

清寧之宮陞

崇政之殿讌王大臣及諸藩君長延問宗室耆舊

慶賜遂行湛恩汪濊黃髮之叟白屋之氓莫不欣喜相

謂我儕生長留都幸得見

太平天子不圖禮文之盛德意之周至於如此也

皇上思開創之艱難樂民物之殷阜歡留信宿賦詠盈

編

瞻念萬幾星言回

蹕于是祇告

列祖循山海關經永平以至

京師謁

太廟而告成事焉是行也往返四千餘里

皇上誠敬積中忘其勞勩侍奉

聖母起居以時每日

御行幄聽政如常

車駕所經省方觀民勸農講武有司無供億之煩而民

胥受澤蓋

聖天子一舉事而萬善咸備焉猗歟盛哉臣脩員史館

侍直

講幃恭遇

盛典焜煌宜有紀述伏讀元鳥長發皇矣生民諸詩
皆因所祭而歌其先祖勲德其他篇于湯孫之將
孝孫有慶尤三致意焉臣竊取斯義撰古詩十章
恭呈

睿覽蠡測管窺未罄萬一不敢自擬于頌第欲敷陳其
事云爾詩曰

上帝鑒觀四方孰德發揚積厚流長將全畀所覆俾億
萬世有常我

肇祖克當之

興祖荒之

景祖康之至於

顯祖彌熾而昌則鍾其祥則衍其慶佑啓無疆

一章

天眷佑我

清

太祖蹶厥生仁武且明恢拓八紘躡鵝渾城廕九國之
兵明將來犯衆四十七萬一鼓殲之四路烟散遂都

盛京

皇猷炳煥建官定制萬世為憲

二章

於赫

太宗至誠至仁敷教以文任官惟賢西柔蒙古東奠朝
鮮明政不綱興師于燕燕城垂克

帝命勿棘并冀充青所向無敵神武不殺於戲

帝德

三章

順治初載盜入明籙

帝命師旅救民水火誅其盜首明之遺老率彼士女前
歌後舞迎我

世祖作神人主億萬斯年六合同宇

二祖績用有成

上帝則寧

四章

維

清受

命世有

聖人

皇帝仁孝

聖祖之孫

聖祖之孫

世宗之子奉時辰牡明粢清醴至於東海以享以祀

列聖在天實歆且喜

五章

誕我祀孔誠有碩其牲或剝或亨黍稷斯馨匪黍稷之馨維

德克明

穆穆在上濟濟在下精意周普假于

列祖報以純嘏萬年受祜

六章

帝出乎震受

天景命

聖祖製頌斯言攸定三才奠位

聖以繼

聖我

皇承序乾道中正維

二祖之德綿於無極維

二祖之功昭於無窮

七章

巍巍

盛京昔

二祖攸宅

宮殿覺覺城墉嶽嶽百禮既洽于讌于樂鐘鼓爰作獻
酬交錯維此臣工威儀有恪維彼兆人胥受

渥澤

八章

帝顧陪都民風淳樸地大物豐亦孔之樂
郊祀屆期駕言還歸小大稽首載瞻載依
帝謂汝民守高曾之遺庶績咸熙

翠華數來

九章

大禮既成告於

太廟肅奉明禋維

皇祖是傲迺

御正殿

德音播告錫類施仁視民興孝四海懽欣羣工舞蹈於

萬斯年典章焜燿

十章

右

帝鑒十章一章十三句三章章十四句六章章十二句

皇清文頴卷五十六

欽定四庫全書

皇清文頴卷五十七

詩

四言古詩

賜遊湯泉應

制有序

徐元文

山阜既結爰有神泉陽氣攸鍾是成溫谷類能消
疴滌煩澄懷澡德蓋寒燠之所以交宣二儀之所

以妙物也遵化州西北四十里有山曰福泉溫泉
出焉按水經注漁陽郡北有溫泉即其地也林巒
茂挺洞壑廻環雄扼關城密護

陵寢榮光於以繚屬王氣由之結蟠地脉敦龐川原秀
潤是以白雲上合丹砂下闕融為炎液流為暄瀾
比龍池之迅騰譬神鼎之長沸

太皇太后翟輅式臨

睿情加泰

皇上欽承

慈指啟宇庀工去雕甍綺疏之壯麗追堯階舜牖之淳

樸因仍舊址攸躋攸寧惟二十年春二月以

皇后山陵大禮

臣等扈從至馬蘭峪

皇上始至虔謁

孝陵望松路以遙酸對幽巖而隕涕具臣陪列悽愴不

勝方待事石門遂閱旬日三月己未

命大學士

臣明珠

召臣霸等二十有二人

賜遊茲泉并宣

諭所以修繕之意濯清漱芳逍遙永晝味同甘醴色若
玻瓈周以貞珉承以蓮葢涵碧虛而方折吸溟渤
之飛流靈液徐清曲溜旁駛玉龍驤首吐納分匯
神舉勝地斯云至矣夫甘泉賦於永始曲水序於
元嘉以及華清豫遊九成避暑類皆登陟之勝視
聽之娛尚思揚厲篇章褒成休美況我

皇上展孺慕於

陵園奉色養於

眉壽而事不煩民動無侈費詎非邁軼往古式訓將來

者乎

臣

竊不揆庸鄙謹賦詩十二章章八句其音

節未諧乎六義於以美盛德之形容或庶幾於萬

一云爾

皇清受命覃制萬方威傾月窟德浸扶桑紫濛入貢窮
髮來王際天罄地歸我畋章

龍門蘭峪是稱左輔昔惟邊陲今也庭戶

陵宮言言考卜其所比洛瀍邛方雍霸杜

我

皇純孝通明洞幽展謁

園寢神愴涕流仰瞻弓劍祇奉松楸靡高不即靡深不
求

從龍崇山逶迤瀆谷環迴岡原如拱如伏碧樹芊眠彤
雲陸緝毖彼溫泉實湧巖麓

靈砂內沸陰火潛然蒸為暖液奮迅盤旋輪衝轂轉雪
瑩珠圓色澄空碧氣馥蘭荃

陰陽陶甄剛柔摩盪幽贊神功疇能測量湯谷溫源暄
波灼浪曩聞其名茲燭厥狀

祥以類感符以兆形地不受寶神泉效靈蠲疴保性駐
老扶齡瓊膏甘露孰與比馨

翠華來巡爰滌爰盥浴德澡躬跼蹐永玩

王母介福禕衣有煥思挹靈漿上綿

慈算

乃濬洪源清池泱泱乃覲文石疏溫納涼引之不竭沃
之彌盈千春永御壽愷樂康

自昔湯泉恒聞臨幸水殿岐陽烟宮驪嶺浴日騰波蒸
雲結影雅詠餘鏗奎章垂炳

景從千官星馳六飛何如我

皇致孝

宮闈雕欄繡柱壁砌瑤墀何如我

皇崇儉立規

惟孝格天惟儉作則小臣來觀式誦嘉德神運無方聖功不息迓祉凝休於萬斯億

聖德神功詩

有序

汪 霏

皇帝既躬率禁旅再犁北庭大敗厄魯特之衆於拖諾山

天威所臨電擊風掃遺孽逋亡假息窮壤復念除惡務盡不大創則不永寧於是具糗糧簡卒伍開道置

頓百務具飭需春乃發歲二月北巡

駐蹕狼居胥山臨邊授律諸將帥稟受進止蓋至是

六龍凡三駕矣噶爾丹潰北之餘烏獠獸賊其脅從諸

部相繼乞降勢窮技盡計無復之子既就俘身亦

隨斃自茲窮海以西大漠以北荒遠不經職方未

載之地永無有私立名號以外於聲教者而數十

年之逋寇以平五月振旅還

京師自王公以迨士庶匍匐歡迎於道者交臂接踵不

可以數計

皇帝乃饗

廟飲至與民休息遐邇禔福神人以和太平之業靡有

紀極猗與盛哉

臣

竊窺前史自古帝王戡定僭亂

著有武功往往載在簡冊然或詢老成之謀或假
武臣之力非必獨決成謨躬歷險遠即有功烈皆
淺薄不足道猶且鋪張揚厲侈為僅事獨厄魯特
之役羣臣徂於故常咸以為窮荒小醜不足勞

萬乘發言盈廷如出一口

皇帝睿慮先覺果斷不疑必欲

親蒞行陣一舉而廓清之洎乎聲罪伐謀摧堅擣虛制
勝機宜如燭之照如數之計合節應期不爽銖寸
謀定於數年以前功成於萬里之外然後知

大聖人之所作為謀臣宿將有不能窺測其萬一者且
大功克集不以永清耆定鳴一時之盛而勵精求
治彌懷永圖辭鴻號而不居歸成功於

眷命惟獎廉懲貪右文重道務使四海之廣千萬年之
久咸沐浴於詩書仁義之域隆矣至矣功德之盛
自循蜚疏乞以還所未嘗有也臣生際昌期覩赫
赫之偉烈遭逢之幸千載一時而自被知遇以來
得簪筆懷鉛廁侍從之列及充乏成均又以經籍
教導為職雍容揄揚記載休美以傳示萬世者史
臣之責也其敢以不文默而自巳敬誤

聖德神功詩一篇凡千有二十四字極知詞義蕪陋不

足塵

睿覽亦庶以盡文章報國之分云爾其詩曰

皇帝受命統一區宇惟位乘乾惟日當午聲教暨訖悉
臣悉主大德函覆溫肅順序跂行喙息物各得所孰於
其間狡逞角距是惟北荒有矇者瞽德威明明闇習無
睹介恃險遠豕突蟻聚創劒餘孽未伏質斧

帝車三驅盡犁其部二庭遂空屬國安堵搜株剔根俯
若拾取不有頑梗曷彰

神武繫噶爾丹實惟允豎隨牧轉徙旃裘湮乳舊通職
貢十百其旅假竊寵靈雄長殲鹵貪若饕餮暴若猘獠
磨牙噴毒擇肉而咀弱為強食積骸成莽肆力并兼城
以千數爰震其鄰及我藩輔勞面來奔告敗惻楚桓桓
天朝萬物父母一夫不獲曷慰冒怙乃頒

詔旨開示心膂來享來庭一視公溥爾無憤盈縮甲則
可彼昏卒狂阻兵樂禍

帝用赫然震電馮怒詢謀於廷積習是狙咸請擇帥往

任勦撫

帝曰咈哉予其致果諏日親征

郊祀用牡是造是宜是類是禡遣告河嶽百靈效助六
飛晨動匄匄天鼓龍旗鳥章日月其羽獸盾犀扎珠弓
玉璫期門欽飛導騎駢駢元戎啓行張翼二拒中權自
將決勝樽俎白旄在右黃鉞在左列缺奔驅屏翳環扈
豐草爭茁靈泉乍吐師行洸洸采入其阻止如山岳動
如風雨或顛其巢或燔其貯或殲其首或殪其侶或扼

其角或折其股有觸必摧有衝莫禦遂蹴祈連回望杓
斗瀚海蕭條天幕四野謀來告言賊竄近數

天兵躡之睥眄束手

廟算先覺寇必西走設覆犄角潛扼隘口猝遇我軍魄
褫膽墮式遏歸奔如獵狐鼠馘彼閼氏餘衆繫虜遺畜
盈川棄甲成阜渠魁僅免假息穴土

帝曰還師六月徂暑予其少息休此士伍滅跡掃影以
俟後舉朔塞風高順時冬狩大閱車徒益峙糧糗秣馬

厲兵置頓建堡誓告師期堅冰迨剖韞韞躬親屢習勞
苦遂出雲中遂踰寧夏雪塞飛狐風寒石虎谷暗沙鳴
懸車束馬

帝實先之曰予率汝鑿空開道遮險伏弩駐狼居胥屯
營業殺天羅四周逃死無處維彼逆子既繫以組既檻
以車俘致

闕下維彼脅從棄逆來附丁壯面縛婦稚背負賊失其
黨若蛭離驅若蛙在井若魚在釜天絕其命身首潰腐

盪滌氛祲鞏固牧圉六師凱旋永紓北顧上自王公下
迨黎庶夾道而跪迎

帝鹵簿踴躍歡喜式歌且舞飲至告成典禮鴻鉅蕩蕩
巍巍功無與耦崇上

尊號屢表勿許中外喁喁延頸以佇

皇帝至聖紹堯纘禹覆燾無私羣生和煦興廉任能惠
及鰥寡天錫

皇帝誕受純嘏太平之符登陟三五

皇帝至神亶聰作

后遠慮前知神識內守大化疾馳覃被九有天錫

皇帝百福單厚民物恬愉並躋仁壽

皇帝允文萬象在宥天章粲然星雲融冶登山勒銘鑱

削礪功成作歌以南以雅天錫

皇帝於樂燕胥丹鳳赤鱗起應搏拊

皇帝允武太阿手拄剪除三孽截彼海浦奄有漠北八

荒庭戶鞭笞萬里無敢齟齬天錫

皇帝候尉齊軌越裳獻雉肅慎貢梛

帝德之廣覆載弘普

帝德之運升恒永久福謙報祉神所相予師克屢豐庶
徵時叙登封云亭考古垂矩明堂辟雍文德藻黼臣率
國子舊職訓詁洋洋

廟謨具在冊府

帝載烜赫臣辭燭火紀績歌功震耀萬古

平蜀詩十三章

有序

朱彝尊

臣伏見

皇上即阼以來仁風溥洽凡在海外重譯來格邇者巴
蜀負固叢爾叛寇神人交憤六師所向何堅不摧
我

皇上先之以德化未即咸劉乃克渠既殞餘孽罔悛
天威赫怒爰

命虎臣分軍而前窺入其阻日未浹旬保寧成都千里
底定正月丁巳捷書上

聞誕集文武臣工宣於

闕下僉曰蜀寇之不靖於今六稔

皇上休養民力湛靜不綵

金鏡在握朗照萬里之遠山川險易瞭若掌中

廟算恢宏指授方畧以師則武以時則利以將相則和

調用能不日成功

聖武布昭遠邁隆古

臣

以布衣被蒙

恩澤拔置史館粵稽曩昔劉闢既擒韓愈進元和聖德

詩明之平蜀劉基亦作頌以獻臣雖蒙滯躬逢盛

際於以頌揚丕烈其何敢後乃拜手稽首而獻詩

曰

皇帝聖哲靡遠弗瞻南諧北燮西被東漸蠢爾不庭憑
阻滇黔爰踞巴蜀以逞戈鋌

皇帝曰咨元戎是勅欲宣武功誕敷文德寇衆來挑我
堅壘壁匪久其師恤民之力

民力既恤士氣孔揚我車我牛我倉我箱芻茭菽粟在

巖在岡萬夫豫附萬馬騰驤

魁渠肆殄梟謀日沮

帝曰可哉命整雲旅分鑣以馳揚旌負羽或搯其吭或擊其脅

赫赫奮威師度七盤既下葭萌入閬中關桓桓勇畧烏道鈎援綿井既收遂復錦官

如彼東瀛用注螢爝如彼衝風用卷秋籜昧雉斯經窮獸乃縛徹其幟竿清我堠析

蜀之黃髮植杖以遨蜀之黃口連臂而謠壺則有漿簞則有醪或徯於野或迓於郊

迺疆迺理檉林棘路爾宅爾田輕爾徭賦巴貢其賧寶輸其布棧谷梯山千里褰沂

捷書遠奏達於

宸聰午門斯啓宣示羣工小大稽首蹈舞攸同庭燎晰晰光如日中

我出我師正月初吉至於益部曾不旬日矯矯虎臣殆

罕其匹

帝心是嘉首用遷秩

人亦有言師克在和惟此成功

廟算實多貳者勿族降者勿苛

皇仁之溥四海是毗

井絡既平坤垠式奠蒙詔牂牁載歸赤縣

皇帝神武俾修組練亦有昆池於焉習戰

聖有恒訓儆戒無虞凡百有位職思其居勿謂外寧官

守或渝

小臣

作詩以贊訐謨

皇清文頴卷五十七

欽定四庫全書

皇清文頴卷五十八

詩

四言古詩

神功聖德詩

高士奇

皇帝聖德與天為一日照月臨稟朔奉職博恩普施歛
福建極魁柄獨握宏綱自挈風流令行心搏志戢有獎
者順有誅者逆昔奮大討鋤剪三孽以次銷鑠如湯沃

雪海島逋寇波濤濶絕戈舡濯征版宇式闢四方教寧
德教洋溢馳義沙外震威漠北罔不欽承孰敢僭越附
塞欵闕範我繩尺曰惟

皇仁是生是植乃茲蠢頑荒獷弗率性資豺狼情狀鬼
蜮咆勃氣勢負恃膂力雄長外區并吞諸國與彼同壤
咸被侵軼駕言尋讐用恣饕餮鉤爪鋸牙擇肉而食鹿
斯之奔無地伏匿扶服來歸仰我存恤我

皇如天矜此饑踣煦之陽春俾遂生息允渠呌呌假讐

開隙怒其臂螳以犯天殛翮飛近邊窺伺疆索命帥爰
逐將殄而逸我

皇曰咨是當撲滅匪彎天弧妖星誰射大興六軍自將
擊賊丙歲之春卜日諏吉禡牙誓師有虔秉鉞虎賁期
門禁衛積卒石鎧金甲琱戈畫戟二矛重弓龍盾鶴膝
寶劍長鍛犀剗蛟截千乘萬騎焜燿赫奕朱旗烏章彗
雲拂霓月驥天駟玉環珠勒逸熊飛鳧趨迅滅没星陳
天行輿輦雜沓俞騎先路王良執策爰陟邊庭聿渡沙

磧壁壘精嚴亭障修飭魚麗鵲鵲張箕舒翼陳圖兵機
皇猷允塞風雲龍虎變化出入兵揚九霄迥瞰巢窟蚩
蚩醜徒虺蟠蟻結忽臨天兵落膽奪魄相携竄奔欲避
鋒鏑我

皇曰嘻汝竄奚適既張之羅復掩之畢果逢右拒奮勇
電擊大呼以鏖陷堅破敵冰刃俱絳鐵衣盡赤棄骸谷
量獲械山積妻孥戮俘厥魁倖脫築封長鯨京觀嵒嶸
王師聿班候屆炎熱我

皇曰嘻滅寇可尅惡木遺根有肄必茁鋤深剔幽務絕
株糜於茲歲冬

法駕再出巡邊涉河朔方駐蹕灼獸之窮計慮惶惑乞
援他邦覲助單矛廼

命諸將分兵控搃凡要害區戈鋌林立鞬譯所通萬里
傳檄汝皆我臣母右嚚慝聞風仰流畢會赤帟請効職
貢乘黃茲白嗟汝賊黨脅從伊感譬如昆蟲仰望膏澤
淪棄荒昧不見白日曷不我歸恩豈汝惜

詔書煌煌沁腑浹骨髓羣相歡告有感以泣扶老提幼叩
轅匍匐我

皇曰咨茲可軫惻

賜之食飲授以祿秩熙陽太和德漬幽蟄款附繫累鵠
音並革賊勢離散尚逞剛愎遷延不降罪大心怵鼎之
沸魚日就煎逼肯容遊魂寬誅漏刻復於今春三整師
律榆中右轉靈武西接川原曠蕩嶺嶂崿嶽大河坤隅
蘭錡四列宣威定謀盡殄回遘兩甄並進霆轟飈疾自

彼氐羗胥我爰即古之伊州今日哈密乳麋是經迺捕
而繫獻諸天家檻致京闕巨憝震驚破卵傾穴汝子已
擒誰汝親暱區落潰叛左右離逃鞠頑不振乞活無術
坐膺斧膏行就車裂徬徨窘縮惴恐股栗服毒自殺悔
禍靡及部黨內附大造埏埴自西旋師早洞情實河湟
上源遠泛舟楫沿波順流以示恬謐首惡果殲莫此反
側中途凱歌烝庶悅懌龍荒廓清日朗天碧成
神聖功昭文武烈斷自

宸衷匪藉叅決商輅不征民賦不益師不久淹役不再
籍憂勤一身自朝至夕冰霜歷踐風雨沐櫛山險水淖
宵躋曉涉與衆均勞焦思倍切日親萬幾從容不迫窮
幽絕遐燭以濬哲計程按期若合符節邀遮縱禽百無
一失彌此封狐鞭箠絕域安民荅天視古勲百八表同
風六宇合轍皇哉唐哉惟天與埒飲至告

廟刻銘勒石空前軌躅為後法式微臣扈行職司珥筆

頌颺

天聲傳千萬億

聖武遠揚青海平定詩八章

有序

楊椿

臣聞聖哲之君建非常之績垂光載籍者若詩皇
矣叙伐密伐崇殷武常武紀荆楚徐方來享來庭
之盛其事咸炳耀赫濯昭爍今古伏惟

皇帝陛下即位以來覲光揚烈丕冒四表近又不十五
日蕩平青海用兵之神成功之速推校往昔莫可
倫比誠宜播諸聲歌丕顯無前之偉業

臣

椿職司

載筆竊不自揆恭撰平青海詩八章謹拜手稽首

以獻

赫赫我

皇惠茲西土

命將徂征桓桓其旅爰類爰造爰宜爰禡左之右之無

不恭者

一章

皇謂帥臣汝師于邊式和爾軍以撫遠人甘松高高洮

水滔滔我撫我招我弓是橐

二章

彼愔不悛輕蹈我疆如豕斯突如鷁斯張勝之兩川師
武之力師武之力惟

皇之德

三章

皇德彰止我武孔揚青海茫茫我

天子是疆乃震乃攝乃伐乃克我敵則劉我降伊釋
其降既多或咏或歌携厥髻耆耄襁負娑娑煦之育之

四章

天子輯之百萬之衆一朝納之

五章

烏蘭之西噶斯之北是巢是窟是傾是踣將士一心咸

奮乞乞賊遠遯逃潜踪域滅

六章

皇師奏凱三月之朔自我出師月哉生鬼我行未久我
功聿多我功既多

天子攸嘉

七章

天子嘉止惟西陲有成西陲有成

皇心載寧乃爵乃賞乃播德音薦之

郊

廟慶我太平

八章

乾隆四年

聖駕南苑大閱恭紀

有序

張照

臣謹按詩三百篇采薇出車杕杜文王時詩也後

遂為周天子命帥凱旋飲至之樂章江漢常武宣

王時詩也美宣王同淮夷平徐戎若夫太平無事

安不忘危寓習武于田獵因以大閱甲兵于傳有

春蒐夏苗秋獮冬狩之文有艾草為防纏旃為門

戰不出頃田不出防之典此皆成康之遺規文武

之方策也而文武成康時並無詩惟傳成有岐陽之蒐而已至宣王時乃有車攻吉日之什豈當周盛時每歲行之故為常事不書歟抑舊有篇什而逸之也或曰彼茁者葭壹發五豝于嗟乎騶虞是即文王春田閱武之詩而後世遂以為燕射樂章記曰天子以騶虞為節是也其殆然歟我

國家

聖聖相承重熙累洽

皇帝敬

天法

祖勤政親民庶績咸熙萬方咸寧乾隆四年十一月大
閱於南苑率由舊章布昭

聖武神靈歡喜耄艾歌咏夫周宣太平之業未足比成
康也今日軼成康而上之奚問周宣乃車攻吉日
之篇美宣王復古之績流耀古今列于學宮其在
三百篇外者又有石鼓之文為今昔詞人心艷口

語嗟非後世所幾及夫

君上有盛德大美十百周宣而臣子學不逮古不足以
發揚騰踔垂示萬世與車攻吉日等詩比士大夫
之恥也雖然老人擊壤童子歌衢寂寥短章寧得
與後世詞人賦頌絜其文采而唐哉皇哉若日月
之俯視衆星則繫乎堯德之大而不繫乎老人童
子之文辭也明矣依此以譚則雖以臣之不文其
亦可以有述歟爰拜手稽首而獻詩曰

於鑠

皇清萬國玉帛亘地罄天咸登衽席七德既宣櫜戈衅
甲春風春雨大化翔洽

三后在

天若堯舜禹我

皇嗣服乃文乃武法

仁皇仁遵

憲皇憲揚

烈祖烈受

上天眷雖雖在

宮肅肅在

廟秉耒耜田橫經學校緝熙單心終始典學力是聞知
忘其先覺敷政優優不剛不柔萬類咸若以育以休田
疇耕耨車牛服賈士一行義工用規矩八風孔時雨暘
寒燠夏葛冬裘左飢右粥惟

帝曰咨四海宴清繫于苞桑先民有經天生五材利用

厚生廢一不可誰能去兵百歲不用一日莫忘羸縮變
化與神同方招搖之下天下良藥其勝以慈其生以弱
利遠器至用敵教盡處女脫兔由練由訓乃詔司馬作
我六師南有甫草駕言泣之如荼如火如雷如電如箕
如翼如江如漢白羽咽原霜鋒照野千旂霞翻萬馬波
瀉馬止陣合斑其相紛五色陸離百花發春

帝乃大徇迺拊迺勉

聖日華耀金支宛轉嘽嘽禁旅仡仡元戎悉率左右

天子是從鼓動而進鉦動而礮一線煥艷玉女巧笑萬
霆怒擊大海濤奔烟埃漲天若雲非雲九進九伐礮乃
連環好整以暇儀靜體閑九天之上動于無朕九地之
下守于無畛烟開日明烏虎蛇龍其餘握竒偏伍彌縫
設右為牝益左為牡九方七圓周旋無究演陳既畢整
旅舒舒若雲歸山震懾依烏

帝乃釋甲還

宮大賚投醪挾纊一時虎拜

皇帝神武在于不殺守在四夷未嘗用鉞若子歸母若
肢護首若川并海若無運有我以我仁彼識彼義四海
萬年異人同氣旗纛旄麾干戈威揚惟以習勞無伐可

張學士

臣照

三朝禁直載撝金管詠歌

盛德

乾隆三年

聖主躬耕藉田詩

有序

聞棠

乾隆三年中春之吉

皇上巡行東郊率羣后躬耜千畝重民事也列辟卿士咸仰勤政務本之至意作為詩歌吟詠德化臣辭語淺薄不足以美盛德之形容顧侍從之臣職以文辭自效詎敢闕如敬拜手稽首頌詩十章以附歌衢擊壤之末詩曰

皇帝在宥播物咸植如春斯融如雨斯澤歲功其初農事孔亟居高履卑用示民則

其一

太史順時于古有訓春陽沮洳地氣含醞暵焉郊畿德

乃廣運趨民于勤風本自近

其二

民之服疇耕鑿比比帝力不知顧我疆理春無遺勤秋

有厚侍詎忘先勞羣動斯起

其三

東方少陽星殷朱鳥祠官滌除田令潔兆飛廉屏翳風

爽清道蕃庶生職是泰媪

其四

天田一星象

帝之藉元風恢恢靈澤奕奕箕揚其精牛奮其軛惟農

丈人亞若主伯

其五

帝御六駕賁于郊廛澹澹流水翳翳遠烟蟄戶初啟春

人尚閑周覽物化穆然德淵

其六

春疇載融膏脉營膝三推有儀禮義耕耨庶氓終之雨
決雲驟施生化工天付我

后

其七

躬稼既畢

帝盱曰咨九鴈農正竝毋後時爾食爾力爾田爾治爾

瞻南畝甘雨來思

其八

神臯葱朧風日多暇麥秀黍華膏露如瀉粢新醴甘以

薦

廟社於屢豐年歆幽飲蜡

其九

猗歟我

皇敬德作所田功越周溝洫循禹沐膏詠勤聖作物觀

於萬斯年承是福祐

其十

聖駕東巡

盛京恭謁

祖陵大禮慶成詩

有序

汪由敦

臣聞奉先思孝必隆報本之祀懷永圖艱必宏述
祖之典是以景員松栢藻歌商楹高山漆沮騰軌
姬籙闡祚由其卜昌釐風以之歸厚於皇

聖清俛天錫羨拓迹開統重光緝熙若水降祥之地繞
樞電而湛星虹橋山閔兆之都擁熊羆而蔭雲物
瑤臺巉巖外大國之幅幘皇澗濚洄駕公劉之締

構珍符欲集宇宙構其氤氲運會將開山川鬱其
磅礴神臯奧區福地昌衢創古迄今靡得侔焉巍
巍

天陵天設地成左遼右瀋

盛京建焉九鼎既奠是為陪都狹沛里而陋譙鄉掩
嫵墟而輔郛室三垣暫暫天街分箕尾之躔九野
芒芒地險跨幽營之趾削成長白抗終南太華之
峯沆漭渾同滙溫洛滎河之氣俗泰華胥風厚幽

野形勝天府華實上腴赫矣壯乎斯太紫之殊庭
坤靈之寶域也若其重軒雙闕之麗參塗九市之
殷千廬八屯之周百廛萬雉之密粲乎隱隱與

京師同制展足以奉

陵邑而固

皇基隆上都而觀萬國者乎我

皇上燕天嗣構敬日凝圖猷恩累愛之化成稽古憲章
之烈盛協氣之所翔遊淳化之所甄治文明之所

震耀聲教之所布濩淪深格高暢垓汭埏景鑠鴻
祐殊徽茂祉穰穰簡簡磴磴即即百年膺慶鍾明
備之期七世恢基考

祖宗之德固已道藹配京勲昭紹庭矣猶以象耕靈隧
展軫之路方遙龍鼎幽宮升香之禮未舉蒼蒼畢
隴鬱鬱春郊永言

弓劍之遺有積露霜之愴昔我

皇祖躬勤三巡有恪執事上以宗本報功答

列聖在天陟降左右之眷下以覲岳省方知民風土俗
王業艱難之自斯乃

國家舊章

神聖遠圖不可闕也歲在昭陽月旅夷則登穀告期載
嘗佇典

皇上乃奉

皇太后發輶紫宮清埃遶左黃麾紫蓋出霄甸而馭風
雷赤帑金貂扈烟途而序鵷鷺靜

惟宮於綠野仍勤問膳之儀肅

帳殿於黃圖尚展含飴之樂桑麻或或夾

輦路而鋪芬黍稷與與委珍阡而緝錦若乃取材講事

順時令而耀威神舉柴收禽贊梁鄒而登俎器諒

軌物之所經豈遊娛之為壯于是風馳霧集長驅

虎踞之鄉天旋雲游直指龍飛之宅桑梓依然扮

榆在望

睟容有穆孝享用蠲洞屬幽喻肅雖顯詔官職有序駿

奔秉德黃彛玉豆告嘉粟於

靈阿金支秀華接

神存於誅蕩蒼雲布地豐融享右之符蕭光燭天晝藹
淵祥之貺於斯時也穆穆焉皇皇焉愛懋咸致優
愼若接騰漢典於視奩跨唐規於獻服者矣既而
存問高年採訪謠俗酌褒鄂之陪塋徧方望之羣

祀

御總章

布綸綍中陽白水仍沾賜復之歡羽琤鈞臺共飫愜樂
之燕所以承

靈億而擁休嘉隆孝熙而示慈惠也爾乃七駟厲飾肅
禁旅而習威儀三表鳴鐃稽政典而明坐作軍容
以禮成大閱以義舉因斯以警泰武于遐外懔威
稜於藩維震疊之用斯宏柔懷之經彌遠然後振
旅神都迴麾雲嶠千旌鳳轉翊

大輅而前驅萬騎龍趨遵康衢而復路邦基有維岱之

安

鼎業有如岡之福懿鑠之蹟猗歟煒哉且夫追遠格

祖配天綏嘏鴻慶也時邁車攻觀風會同茂典也大禮

大樂神人允若治本也乃文乃武威福率土化權

也用能經綸萬樞雍動八表道凝克紹垂衣馳玉

檢之功義極如存指掌謚珠囊之運比巡遊於往

事則汾射韜芬第嘉頌於從臣則卷阿避德臣沐

浴

元化叨塵近侍雖未獲參扈

清蹕而竊幸遭逢

盛典遠希生民皇矣思文清廟之作雍容揄揚降慕長

卿孟堅退之子厚之篇鏗鉤炳燿輒採古意勉課

末音謹為雅詩十五章上獻詩曰

昊天有成命集我

皇清爰降

帝女錫朱果以茹篤生

藝祖肇是愛新瓜瓞行緒長白導源運啟高山鬱鬱

永陵峻極於

天一章

赫赫

太祖勅興東土甲士十三我仇是殲既殄我仇我戎孔
修羣凶沸騰

王師濯征殪厥戎首方域以寧九姓摧止五部歸止覆
育列國

帝號徽止

二章

天祚大邦遼水之陽既溥既長考卜惟

皇曰時曰止於藩之涖宅是

盛京萬年攸始

三章

明綱既隳四路集師

皇奮其武天戈一麾五日三捷大

皇清之業誕受四國巍巍

福陵垂裕萬葉

四章

太宗嗣服仁濡義肅平壤漠漠朝鮮臣伏杏山蟲蟲明
師載覆如飈斯馳至于青兗匪利天下弗劉弗翦

五章

武功既輝文明裔皇乃創國書乃秩典章八纛央央百
僚蹒蹒使鹿使犬重譯來王於昭

昭陵長發其祥保人斯無疆

六章

皇矣

世祖統一九區式瞻舊京肇啟

帝圖景毫生商豐鎬造周元戎禁旅卿尹府僚以衛

山陵以固

皇都

七章

越我

聖祖六飛三臨用展孝誠翼翼以興大朝鄴宮思滂景

從亦越我

世宗來覲於東

三后在天肝鬢昭明不顯不靈佑啟我

後人

八章

皇帝御宇於茲八年於

郊於

廟對越有虔惟

列祖丕緒時予仔肩聿追厥

先敢曰遠而

皇祖有明憲予敢緩而肅奉

慈御龍婉婉而至德要道崇化本而

九章

鸞旗晨發旭日杲杲山祇岳靈俟望

翠葆載飭我旅戢我徒圉分部徐驅毋躡我稷黍

十章

爰歷古塞爰

駐山莊追維

祖德攄慕

天章

鑾輅東指藩服之履來迓來衛來庀儲待

帝顧曰嘻毋汝勞只畀伏固請奔走趨俟

十一章

狩於平郊選徒不囂麇鹿儻儻有熊斯趨有虎斯嗥天

弧一發猛獸在庖諸蕃震愕相顧告語聞諸我先曰

聖祖神武永世追慕

今皇天威宛

聖祖重觀儀式刑

祖宗之德莫敢不服揚

祖宗之功莫不率從

十二章

言循三江言陟重岡自東徂西

三陵相望旖旎雲旂煜爚神光綏予孝孫

歆是孝享言逮功宗言徧羣神我

皇烝哉

十三
章

言次

盛京路寢奕奕羣后肆朝會同有繹式宴式賚湛露滋

液施及陪貳游泳

皇澤

十四
章

禮告備矣

德施概矣邁言還蹕敬我事矣于

廟告至拜

列祖明賜經途屢千經時累月如遊庭除靡戒靡蹶若
艾若稚扶攜走謁亶

列祖之詒繹時孝思於萬斯年介我純熙於萬斯年鞏

我不基

十五章

聖孝光昭詩

有序

德齡

大哉我

皇上之以孝治天下也孝德之著於政教者無一事不

下愜於民隱孝思之展於祭享者無一念不上格乎

天心是以

郊社

宗廟之祀既已竭誠盡敬昭應特著近甸

陵寢歲必

躬奉

皇太后恭詣展視以申

思慕之情至於

列祖山陵在東土者道里悠遠

戒飭既備乃於乾隆八年秋七月卜吉上

陵

特命道由塞上以避禾黍在畝兼振旅大狩以講武事

是時秋霖正盛比

大駕將發

廟告之日天朗雲開羽衛啟塗常逢澄霽扈從之官下

至興臺圉牧莫不踴躍歡欣外藩蒙古仰見

聖主神武

上天靈佑咸鼓舞震驚輸誠效順惟謹

時邁所屆

皇上怡怡愉愉祇奉

皇太后起居

慈懷豫悅彌慶康寧暨至

園寢肅恭將事具禮有素

列祖格饗惟懌大典既成中外忭慶以為典禮之行
天心民志協應若此皆

皇上大孝至誠之所感召曠古以來實為僅見珥筆之

士無不詠歌盛事傳之無極

臣

職忝卿貳兼同大

學士

臣

陳世倌教習庶吉士分宜率先歌頌

上德謹獻四言詩一篇計一百韻言雖不文然事皆紀

實用述

聖孝之隆昭示四海焉

恭惟我

皇大孝備矣提虞挈周超邁曩軌孝以繼承篤懷靡已
孝以慎修敬用五事孝以率由庶績咸底惟時惟康夙
夜顧諟有截政敷無垠化被萬邦協和一本推暨陶匏
繭粟式用

泰時對越惟虔報本返始於穆

清廟禮官既庀醴假無言苾芬秬秠赫赫

列祖雲蒸龍起肇業開基不堦尺咫率育疆界無有彼

此

大統既集鎬由豐徙武功載揚文德永矢有奕

山陵環

畿凝霽歲奉

慈寧敬恭展視景彼

留都高山天峙

橋山穀林鬱蔥佳只

聖祖繹思遠薦簋簋福祉既膺慶覃海涘巨典煌煌光

于

國史我

皇繼述以綱以紀

孝思維則心源一揆永言不忘大禮惟履

慈旨尤殷思齋任姒道遠維勤既經既理乾隆八年維
歲在癸爰筮吉日肇修禋祀其時孟秋日次鶉尾霖雨
時行以汎以灑

皇帝乾乾有虔勿怠屆日告

廟雲開雨止

乘輿起行周道如砥清暘溥照林木曜綺

天心之格

至誠之恃志氣交應協于宮徵扈從謹謳蒸黎忭頌

帝念中疆被畝靡芑

屬車紆路邊塞迤邐白草猶青暄霽千里爰

巡爰狩以閱武士七萃千旗星流電駛手格游騏足蹙

生兕雨血風毛谿谷填委

皇帝神武箭不虛指上殺中心乾豆是以旃裘萬帳爭
隨鞭弭或貢其獒或獻其雉搏心戢志奉觴拜跪罔不
震疊媚于

天子燕賞有渥以莫不救

帝奉

慈輿周覽遐睎翕河喬嶽有康

志體

行宮帳殿定省甘旨

慈顏載忻

聖情彌喜長白醫閣嵯峨岷嶴環以鴨綠混同江水諸
陵宅焉萬神攸集九月吉日以次襄禮祠官備物瑤爵
玉几于豆于登用潔滌醴凝承

世德馨香澄醴

文母純純敬薦脯醢

孝思允展以介蕃祉

皇帝齋戒主茲鬯匕儼然愾然仰稂俯祀石馬欲驤玉

衣常玼覲光揚烈洋洋如在緬昔先臣艱難共濟嘉彼
三勲

躬賜奠醴次者遣祭報厥功偉篤舊之

恩古未有比巍巍

盛京日晶霞蔚

御崇政殿以覲休采誅蕩門開小大拜稽宴錫需雲仁
敦行葦廼閱師徒鐳表壘廼犒廼賚歡騰鉉鎧九天
作解書銜鳳嘴闐澤周流勤施表裏海宇霜澄闕門氣

紫廼旋

鑾輅告至

祖禰

皇帝之德惟孝永依大禮之成畢具諸美曰雨曰暘上

符

帝載被于四裔懷畏惟倍不匱之徵天人合啟

聖躬凝之翼翼疊疊兢惕有加

德業彌暉浸潤羣生淪浹肌髓載稽瑞牒朱草蕤蕤德

至山陵斯拱而俟

皇天永眷寵錫層累

天子萬年元元壽齒大有屢書萬億及秭臣齡作歌不
辭巴俚敬宣

聖孝以播遐邇

聖駕東巡

盛京恭謁

祖陵大禮慶成詩

有序

劉綸

皇上御極之八載敬

天尊

祖誠民格神治具畢張大化翔洽仰惟

列聖東土肇基

陟降在庭之近俯念

陪京父老延頸舉踵喁喁望幸之誠廼以七月上旬

勅禮臣備

法駕恭謁

永陵

福陵

昭陵甚盛典也

臣

謹按詩誦發祥書陳觀德自昔豐功

駿烈莫不推本前徽如軒轅橋山顓頊附禹伊耆

穀林重華珠邱並足集慶垂光用存景慕至考上

陵之禮詳於炎漢之年蓋以原廟衣冠寢園弓劍

先王所為創業垂統嗣世所由優見愼聞皆於是

乎在我

朝受符

上帝

聖人首出卜年卜世奕葉重光逮我

太祖

太宗篤祐凝庥鴻圖式擴梯航所屆悉主悉臣緬維遼

海神臯寶鍾王氣建邦啟宇墨食於茲固已婉幽

岐而軼豐沛

世祖定鼎自燕

留都並峙高山天作流澤孔長瞻望

龍興隩區松柏丸丸

寶城奕奕億萬禩昭假明禋之感是繼是承

聖祖在御時巡

躬親展謁隆儀疊舉所為志敬節具者備載史書

皇上世德作求肇稱殷禮訊辰夙事有翼有虔供奉

皇太后行則侍輦居則問

安敬愛兼摯

翠華所過秋宇澄霽川原彌望百昌成遂自從官以及
候吏遠近歡趨迺至諸藩後先輻輳周廬星拱蹕
蹕濟濟咸峇韞鞬而進

萬壽之觴也古稱粉榆樂土詎足倫比惟時

聖衷淵穆按冊披圖於礪山帶河販章脊集見規模之
閎遠焉於櫛風沐雨勝蹟依然見締造之艱難焉
於民物淳龐軍實整繕見古風之可愛而本根之
益固焉惟

天惟

祖宗眷念子孫臣庶畀以生成

皇上一體

天

祖之心治之是以升香瘞璧而肝鬯通舞德歌功而精

誠洽祀事既嚴

垂裳當宁受羣臣朝

渙汗特頒小大稽首所以行

一人之慶所以合萬國之懽循古制也崇家法也昭錫

類也示懷柔也皇皇哉

大孝至仁備矣臣濫竽詞館夙効編摩伏覩

史宥金匱之藏

先猷炳煥有踰往牒茲復以職司輿僕恭遇

和鑾清蹕道左跪迎屬在工寮並得陳詩紀盛竊未敢

以弇陋自解謹獻詩曰

我

皇踐阼纘

列祖之德有典有則是崇是式見于

郊

廟祗祗翼翼永言孝思維

丹陵是即

一章

天降大寶命眷時瀋陽篤生

高后肇造厥邦闔門潭潭導我三江奄有九有耆定下

土方

二章

天戈麾矣裨王撫矣閑閑禁旅陳樽俎矣業業寢成縣
奠虞矣繼繼繩繩百神是主矣

三章

皇綱帝紘歸我

聖神四十有八部面內咸賓暨使犬使鹿冠帶僣僣

帝曰欽哉維創守道均

四章

裸室兮露垂

齋房兮芝茁於昭兮

仁皇茂典兮是秩馳道兮弦開鎮山兮笏列笏列兮崔

嵬凝

景命兮延洪哉

五章

歲建亥兮星在柳

皇繩武兮澤覃厚揚

德旌兮啟

文園詣

璇宮兮奉

聖母迎鳩杖兮拜馬首稱上瑞兮

皇則有原田每每兮長禾被畝

六章

皇帝至止封樹來雲煌煌象設幘乎如有聞載羅韞琤

載具典墳

先是列祖實錄

上命史館恭繕尊藏

藏京

丕顯我下武繼序

我思文

七章

九功歌七德舞燭剛日薦清醑

闕殿峩峩三光牖戶俄朶之城漠惠之野

叶

醑從龍兮

訖分虎蕭薤綢繆兮

皇受祐及我嘉師兮亦其福汝

八章

祠官告備廼慰廼宣曰敦本茂實維

聖所先訓練以時既精既研攷牧以時既蕃既便以廼

我四民服高曾之傳

九章

沐日浴月環滄瀛兮乾經坤絡開

上京兮井廬擲比周原砥平兮弋山漁澤厥壤可畊兮

德產精兮萬寶成兮

十章

赫赫兮

王居洋洋兮

聖謨上賅兮雅頌下括兮京都繪天賦海兮

睿藻抒維洛宅有誥兮維邠原有圖

十一
章

遂開

明堂

聖人當陽

賜酺一日

賜爵一級爾祿爾糈

皇則予之爾絲爾粟

皇則復之及爾耆耆曰饋之醕之及爾園嘉曰省之宥之

列祖之光維我

皇之慶叶時萬時億承

天之況叶十二章



皇清文穎卷五十八